



Pacific Horticultural &
Agricultural Market Access
Plus Program
Supported by Australia and New Zealand

Fakailoaga Mahuiga

Ko e Maveheaga Kaufakalataha to fakaholo ki mua e fakafua koloa a Niue ke he tau motu kehe

Alofi, Niue – 2 Novema 2021 - Hā hā e taha maveheaga kua fakamooli ke lagomatai a Niue i lalo hifo he Fakaholoaga he Pasifika (PACER Plus) ke fakatolomaki e tau matagahua kumi monuina.

Ko e maveheaga nai he Fakatufono Niue mo e Matakau he fakaholoaga PHARMA Plus , ne fakatupe he Fakatufono Niu Silani mo e Fakatufono Ausetalia, ke lagomatai e tau fua he fonua he Pasifika ke uta ke he tau makete, mo e falu gahua ati hake kua puna mai ai, ha ko e tutakiaga ke he Maveheaga PACER Plus.

Ko e Maveheaga Kaufakalataha, ne fakailoa ke he tau tagata he aho Fakatātā he Motu, Aho Faiumu 16 ia Oketopa 2021, kua amanaki ke aofia e tau tagata oti mo e tau kautaha pisinisi i Niue, ke lagaki hake e tau gahua fakafua koloa ke he tau motu ko Ausetalia mo Niue Silani, mo e lagaki hake e fakafua atu he tau fua he fonua, tau fua mata mo e tau fua kua tavili. Ko e tau matagahua ka lagoamtai lahi ki ai ko e, tau gahua puipui moko, faahi fakafua koloa, faahi tō mo e tavili he tau koloa, puhala loa ka uta e tau koloa fakafua, lakaaga mitaki hokohoko he tau koloa mo e tau fatifatiaga.

Ko e maveheaga PACER Plus ma e tau koloa fakafua mo e tau tauteaga ke fakafua, ne kamata fakagahua he aho 13 Tesemo 2020, ko e maveheaga ne fakamooli e Ausetalia mo Niu Silani mo e toko hiva e kautū ne tutaki atu ke he Forum(FICs). Kua lago ki luga he tau motu nai ke fakaooho mo e fakahagahagamitaki e tau puhala fakafua koloa mo e kumi monuina he tau motu he Pasifika. Ne fakamooli he Fakatufono Niue e maveheaga PACER Plus he mahina Iulai, 2020.

Ne talahau he Ikipule he faahi Tanaki Tupe, Lilifu Crossley Tatui, “ Ko e tau motu ikiiki kua nakai fakaai ke fakafua koloa a lautolu tuga e tau motu lalahi he tau atumotu, ha ko e tau mena uka ne fakafehagai tumau. Ko e tau fakaholoaga pehē nai, PHARMA Plus, ke lagomatai a tautolu ke atihake e tau malolō mo e fakatolomaki e tau fakafuaaga koloa mo lautolu I Ausetalia mo Niu Silani, ti nakai noa mo e onono atu ke he falu mena foki ke foli ki ai ha ko e maveheaga PACER Plus.”

“Ko e maveheaga kaufakalataha nai mo e matakau he fakaholoaga PHARMA Plus to moua mai loga e mena mitaki ma e motu. To maeke ia tautolu ke atihake mo e fakamalolō e tau pisinisi, ha kua falanaki lahi kia lautolu ke he mouaaga tupe he tau magahala nai he COVID-19. Mitaki lahi e ononoaga ki mua ma e tau tagata mo lautolu ne gahua fonua, mo lautolu ne fakafua atu ke he tau motu kehe ha ko e tau lagomatai ka foaki he tau fakaholoaga tuga a PHARMA Plus.”

Ko e fakaholoaga PHARMA Plus, to gahua mo e Fakatufono Niue mo lautolu ka lauia i Niue ke fakatū mo e talia e tau lakaaga ma e tuaga mitaki hokohoko mo e faka setifiketi, tuga e haohao mitaki he tau mena kai mo e tau fua tupu (fakatētē moko) he fonua. Kaeke kua muitua pihia,



Pacific Horticultural &
Agricultural Market Access
Plus Program
Supported by Australia and New Zealand

to maeke e tau pisinisi i Niue ne fakafua koloa ke he tau motu kehe ke tumau ke fakafua atu ke he tau makete he tau motu kehe mo e hū atu ke he tau makete foou ma e tau koloa ha lautolu.

Ne talahau he Ikipule, Lilifu Esa Sharon Mona Faitala AINU’U, he faahi Potaaga he tau Faahi Gahua he Tufugatia,” kua to lahi e fakaue ti manatu foki ke mailoga e fakaholoaga PHARMA Plus, ne fakatupe he tau Fakatufono a Ausetalia mo Niu Silani, ha ko e ha lautolu a lagomatai kia Niue i lalo hifo he maveheaga PACER Plus ma e tau tauteaga ke fakahagahagamitaki e tau puhala ke he tau makete he tau motu kehe ma e tau koloa gahua fonua he tau aho i mua,” Taha he tau mena ne pauaki ke he maveheaga kaufakalataha nai ko e fakaako mo e fakamalolō he tau tagata gahua he faahi puipui moko ke mau amanaki mo e totoko ke he tau lekua ka tupu. Taha gahua foki ke onono ki ai ko e utafano he tau puha laukoloa ke tumau e meā mai i Niue mo e falu motu foki. Ko e kakano he mena nai ke fakamalolō e puhala he tau koloa ka fakafua ti maeke e tau atumotu, aofia foki a Niue, ke malikiti hake e hako he tau utaaga he tau puha laukoloa mo e tau taofi e tau moko kai laakau mo e falu gagao akau foki. Ko e maveheaga PACER Plus ko e taha na puhala ke matutaki e motu ko Ausetalia mo e tau kautū he atu Pasifika. Ne talahau e Hukui Fakatufono a Ausetalia i Niue, ko e lilifu ko Susan Allen,” kua fiafia lahi ke lagomatai a Niue i lalo hifo he PHAMA Plus ke atāina ke uta e tau koloa ke he tau makete i Ausetalia mo Niu Silani ha ko e tau monuina loga kua amanaki ke moua mai ma e tau tagata oti he motu.”

Ne talahau e Hukui he Fakatufono Niu Silani i Niue, ko e lilifu ko Helen Tunnah,” kua fakaue ke he tau lagomataiaga he fakaholoaga PHAMA Plus ha ko e tau amaamanakiaag a Niue ke atihake e tau puhala uku monuina aofia ai e tau puhala fakafua koloa ke he tau motu kehe. Ko e maveheaga PACER Plus ko e taha puhala a nai ke lagaki hake e mitaki he tau momoui he tau tagata he tau atumotu, ti ko e mena ia to fakatumau ke fakatauō mo Niue ke he tau matagahua fakafua koloa, mua atu ke he tau magaaho ka mole atu e tau lekua ha ko e gagao COVID-19, he lalolagi.”

Ko e magaaho nai, kua fai lagomatai foki e fakaholoaga PHARMA Plus ke he tau faahi gahua fonua he tau motu ko Fiti, Papua Niukini, Samoa, atu Solomna, Tonga, mo Vanuatu ti pihia foki ke he tau motu ikiiki ne kua tutaki atu ke he Fakaholoaga PACER Plus, ko e Atu Luga mo e atu Kilipati.

Fakaoti.

Kaeke kua fia manako falu fakamaamaaga foki ti matutaki kia laua nai :

Frank Sioneholo, Takitaki he faahi gahua Fakatokatoka gahua mo e Uku monuina, Fakafua Koloa ke he tau motu kehe, Fakatufono Niue. frank.sioneholo@mail.gov.nu

Sangita Kumar, Ko e takitaki he fakaholoaga PACER Plus
+679 7090815 s.kumar@phamaplus.com.au

Ko e fakaholoaga PHAMA Plus

- Ko e fakaholoaga PHARMA Plus ne fakatupe he Fakatufono Ausetalia mo e Fakatufono Niu Silani mo e amanaki lahi ke fakaholo ki mua e tau puhala moua tupe ma e motu ti pihia mo e tau magafaoa 200,000 ne gahua fonua he tau motu he Pasifika.



Pacific Horticultural &
Agricultural Market Access
Plus Program
Supported by Australia and New Zealand

- Ko e fakaholoaga PHARMA Plus kua gahua fakamahao ke he tau gahua uku monuina, mo e tau gahua fakafua koloa ke he tau motu kehe. To foaki lagomatai kia lautolu he atu Pasifika, tau tagata mo e tau kautaha pisinisi ke mailoga e tau puipuiaga he tau moko he tau akau mo e lakaaga ke mitaki e tau fua he fonua ka fakafua ke he tau motu kehe- tau fua ai pihia mo e tau fua kua tavili.
- To foaki foki e tau lagomatai kia lautolu ne kua matutaki atu ke he PHARMA Plus ke moua e tau makete foou mo e lagomatai ke fakahakohako falu a mena ke tumau mo e fakatolomaki e tau koloa kua fakafua ke he tau motu kehe he magaaho nai. Ko e fakaholoaga PHARMA Plus kua nakai fili tagata ke foaki e tau lagomatai, kua tatai e tau tagata taane mo e tau tagata fifine mo e tau matakau mahaniaga he tau motu ha ko e tau uku monuina mai he tau fua he fonua mo e tau laakau.
- Ko e tau motu ne kua fakamatapatu ki ai e tau gahua ha PHARMA Plus ko Fiti, Papua Niu Kini, Samoa, atu Solomona, Tonga mo Vanuatu, ti ko e magaaho nai kua fakaloaloa atu e tau lagomatai ke he tau motu ikiiki ne kua talia mo e katoatoa e tau tauteaga faka-Fakatufono he PACER Plus, ko Atu Luga, Kilipati mo Niue.

KO E MAVEHĒAGA PACER PLUS

- Ko e Maveheaga he Pasifika ma e tau matutakiaga uku monuina (PACER Plus) ko e maveheaga ma e tau koloa fakafua ne kamata fakagahua he aho 13 Tesemo, he tau 2020. Valu e kautū he magaaho nai ne kua eke mo tau tutaki he Maveheaga: ko Ausetalia, Atu Luga, Kilipati, Niu Silani, Niue, Samoa, atu Solomona, mo Tonga. Ne tutaki katoatoa e motu ko Kilipati ke he PACER Plus he mahina lulai, tau 2020.
- Ko e tau vahega mena ne putoia he Maveheaga PACER Plus, ko e tau fatifatiaga he fakafua koloa(tau fakatufono ke he motu ne tamata e tau koloa mo e tau puhala ke fakamooli, tau fakamooliaga mai he faahi Kasitamu, tau puhala ke he fakamooliaga mai he faahi puipui moko, mo e tau fatifatiaga kua fakamooli ki ai), fakafuaaga he tau puhala taute mena, fakahū po ke fakatupeaga, ōfanoaga fakakū he tau tagata momoui, tau puhala ati hake mo e tau fakafehagaiaga he uku monuina, tau tauteaga fakamatakau, fakakiteaga he tau mena taute oti, mo e fefakatonuonuaki ke moua e mafola kaeke kua fai fēkehekeheaki. Ko e tau Fakaholoaga Fakamatafeiga ke fakamooli e tau tapikiaga, ne aofia e tau fakatupeaga he faahi kasitamu, tau puhala taute mena, fakatupeaga mo e ōfanoaga fakakū he tau tagata momoui.